



EUSKADI BASQUE COUNTRY 2030 AGENDAN 18. HELBURUA TXERTATZEA

HIZKUNTZA- ETA KULTURA-
ANIZTASUNARI dagokion 18.
HELBURURAKO HELMUGAK hedatzea

18 HIZKUNTZA
ETA KULTUR
ANIZTASUNA



2023ko urria

Ekimenaren bultzatzailea:

Eusko Jaurlaritzako Kultura eta Hizkuntza Politika Saila

Trantsizio Sozialaren eta 2030 Agendaren Idazkaritza Nagusia -Lehendakaritza- Eusko Jaurlaritza

Laguntza Teknikoa

ADOS Sostenibilidad y Clima, S.L.

Eragile parte-hartzaileak

Eusko Jaurlaritzako Kultura Sailburuordetzako Kultura Ondarearen Zuzendaritzako eta Kultura Sustatzeko Zuzendaritzako ordezkari osatutako lantaldea.

Hizkuntzarekin eta hizkuntza gizartean bultzatzearekin zerikusia duten arloetan adituak diren pertsonen osatutako lantaldea, Elhuyar Aholkularitzak dinamizatuta.



Aurkibidea

1. Aurkezpena.....	1
2. 18. GJHrako HELMUGAK definitzeko prozesua	2
3. GARAPEN JASANGARRIKO 18. HELBURURAKO HELMUGAK.....	4
4. Beste Helburu eta eragile batzuekiko harremanak	6

1. Aurkezpena

2015ean onetsitako **2030 Agendak**, 190 naziok baino gehiagok sinatutakoa, arlo publiko zein pribatuan garapen jasangarriari dagozkion politikak eta ekimenak txertatzeko esparrua eskaintzen du. *"Inor atzean ez uztea"* leloak 2030 Agendaren izpiritua ondo laburbiltzen du, gizarte orekatu eta berdinzaleak sustatuko dituen ibilbide-orri bat bermatzeko diseinatua.

Euskadin, Eusko Jaurlaritza 2030 Agendarekin konprometitu da eta, XI. legealdian dagoeneko, Legealdiko Plana 2030 Agendaren Helburuekin lerrotzeko aldeko apustua egin zuen; horrela sortu zen **Euskadi Basque Country 2030 Agenda**.

XII. legealdian, indartu egin zen 2030 Agendarekiko konpromisoa, 2021 urtean **Trantsizio Sozialaren eta 2030 Agendaren Idazkaritza Nagusia** sortuz, zeinak **2030 Agendaren Lehentasunen Euskal Programa**¹ bultzatu duen, eta zehazki, **Trantsizio Sozialerako eta 2030 Agendarako Eragile Anitzeko Foroa**². Foro horren bitartez, 2030 Agendarekin konprometituta dauden eragileen arteko koordinazioa eta elkarrizketa bultzatzen da; eragile horien artean daude, esaterako, hezkuntzaren sektoreko erakundeak, enpresa-sektorekoak, hirugarren sektore sozialekoak eta herri administrazioaren beste maila batzuetako ordezkariak. Horren adibide da **2030 Udalsarea**³, hainbat baliabide eta zerbitzuren bitartez euskal udalerrietan Tokiko 2030 Agenda heda dadin laguntzen ari dena; Nazio Batuen Erakundeak ere nabarmentzen du udalerririk Garapen Jasangarriko Helburuetarantz aurrerapenak lortzeko bidean funtsezko lana egiten ari direla.

Apustu horren azkeneko adibide gisa, nabarmentzekoa Bilbora ekarri izana **2030 Tokiko Koalizioaren Idazkaritzaren** egoitza.

2030 Agenda, duen izpirituagatik, izaeragatik eta egituragatik, ibilbide-orri berarekin lerrotatutako planak eta estrategiak hedatzeko aurrekaririk gabeko esparrua ari da izaten, eta hainbat arlo eta sektoretako eragileen arteko **hizkera komuna** sustatzen du.

Hala ere, ez dira dena bertuteak. Alde batetik, detektatu da erritmoa ez dela behar bestekoa Helburuak 2030. urterako lortzeko; horrenbestez, dagoeneko hainbat eragile hasi da dagoeneko esaten premiazkoa dela erritmoa azkartzea eta ekintzara jauzi egitea, datozen urteetan –*"Ekintzarako Hamarraldia"* deritzon denbora-

tartean– benetako eraldaketa hautemangarriak lortzeko. Bestalde, hainbat espazio hutsekin sortu zen 2030 Agenda; nabarmentzekoa da, batez ere, Helburuen eta Helmuguen artean ez dituela jasotzen kulturarekin eta hizkuntza gutxituekin zerikusia duten alderdiak. Horren aurrean, hainbat erakundek 2030 Agendan **kulturari eta hizkuntzei ikusgaitasun handiagoa** emateko ekimenak jarri dituzte abian.

Euskadiren asmoa da hizkuntzak eta kulturak garapen jasangarriari eta mundu gizatiarragoa, bidezkoagoa eta orekatuagoa lortzeko bidean betetzen duten berariazko eginkizuna aldarrikatzea, hizkuntzak eta kulturak Garapen Jasangarriko 17 Helburuei egin dakiekeen ekarpena definituz eta Hizkuntza- eta Kultura-aniztasunean oinarritutako **berariazko Helburu** baterako helmuga zehatz, aplikagarri eta ebaluagarriak proposatuz.

Euskadin, hainbat eragilek dagoeneko planteatzen zuten, garapen pertsonal eta sozialerako ezinbesteko faktore gisa, **hizkuntza eta kultura guztien presentzia eta aintzatespena** berma dadin sustatuko duen **18. Helburua**, eta beharrezkoa zen gainerako Helburuetan aldeztu aurretik zeuden helmugekin koherenteak diren Helmugak hedatzea. Helburu horren inguruan aldeztu aurretik egin badira ere, beharrezkoa ikusten zen kulturaren eta hizkuntzaren alorretik hausnarketa-eraketak egitea.

Testuinguru horretan, Eusko Jaurlaritzako **Lehendakaritzak** behar horri erantzun dion 18. GJH-rako Helmuguen proposamen bat presta zezan planteatu zion **Kultura eta Hizkuntza Politika Sailari**.

2023. urtean zehar, prozesu tekniko eta parte-hartzaile bat egin da eta, ondorioz, **18. GJH-rako Helmuguen proposamena** prestatu da, jarraian aurkeztu dena. Agiri honetan, prozesuaren deskribapena, proposatzen diren Helmugak –guztira, 20 Helmuga–, eta Helmuga horiek 2030 Agendako Garapen Jasangarriko beste Helburu batzuekin duten harremana jasotzen da, eta Euskadin helmuga horien garapena zein eragilek bultzatu dezaketen. Proposamen hori kulturako eta hizkuntza-politikako erakunde eta sektore arteko parte-hartze foroetan aurkeztu da, baita **Trantsizio Sozialerako eta 2030 Agendarako Eragile Anitzeko Foroan** ere.

1

https://www.euskadi.eus/contenidos/informacion/prioridades_agenda2030/eu_def/adjuntos/EUS-Programa-prioridades.pdf

² <https://www.euskadi.eus/eragile-anitzeko-foroa/web01-a2lehetr/eu/>

³ <http://www.udalsarea2030.eus/hasiera>

2. 18. GJHrako HELMUGAK definitzeko prozesua

Kulturak eta hizkuntzak Garapen Jasangarrian betetzen duten eginkizuna islatuko duten Helmuga batzuk definitzeko prozesua 2023. urtean zehar burutu da, eta modu bikoitzean garatu da.

Kulturarekin zerikusia duten Helmugak

2022. urte amaieran, **Eusko Jaurlaritzako Kultura Sailburuordetzak** 2030 Agendarekin lerrokatutako Estrategia bat prestatzeko prozesuari ekin zion, **2030 AGENDA EUSKADI KULTURA** deitu zaiona. Estrategia prestatzeko, Sailburuordetzako **Kultura Ondarearen Zuzendaritzako** eta **Kultura Sustatzeko Zuzendaritzako** teknikariz osatutako lan-taldea sortu zen. Gainera, Estrategia definitzearekin batera, Kulturarekin lotutako Garapen Jasangarriko Helburu baterako berariazko Helmugak definitzen joan ziren, era horretan, kulturak 2030 Agendan zuen presentzia urriaren arazoa murriztuz.

Hainbat arlotatik ari da lantzen Kultura eta Garapen Jasangarria binomioari buruzko eztabaida eta hausnarketa eta, prozesu horretan, **Garapen Jasangarrirako Espainiako Sareak [REDS]**⁴ argitaratutako *"Garapen Jasangarriko Helburuen eta Helmugen zeharkako irakurketa kulturaren ikuspegitik"*⁵ agiria hartu zen erreferentziatzat; Espainiako sare horrek, urtero kulturari eta garapen jasangarriari buruzko jardunaldiak sustatzeaz gain, gai horri buruzko hainbat argitalpen egin ditu.

ADOS Sostenibilidad y Clima aholkularitza-enpresarekin lankidetzan garatu du prozesu hori Kultura Sailburuordetzak; Estrategia beraren garapena eta Kulturaren ikuspegitik, 18. GJH-rako helmugak definitzeko prozesua gidatu eta dinamizatu.

⁴ <https://reds-sdsn.es/>

⁵ https://reds-sdsn.es/wp-content/uploads/2022/02/OBJETIVOS-DE-DESARROLLO-SOSTENIBLE-Y-SUS-METAS_web.pdf

Zehazki, hauxe izan da **kulturaren arloko Helmugen** proposamena egiteko jarraitu den prozesua:



Zer

2030 Agendako 17 GJH-etako bakoitzari **kultura-ondarearen eta kulturaren sustapenaren** arloetatik hartzeko **gako orokorrak** identifikatzea.

Kulturaren arlotik 18. GJH-rako helmugen **oinarrizko proposamena** prestatzea.

Oinarrizko proposamena aztertzea eta **egokitzea**.

Nola

Garapen Jasangarrirako Espainiako Sareak argitaratutako agiria: *"Garapen Jasangarriko Helburuen eta Helmugen zeharkako irakurketa kulturaren ikuspegitik"*.

+

Eztabaida lantaldearekin.

Ondorengo **irizpideak** kontuan hartuta:

-2030 Agendako Helmugen egitura eta haiek idazteko estiloa, izaera eta irismena;

-GJH ezberdinen Helmugen arteko harremanak eta zeharkako Helmugek Garapen Jasangarriko beste Helburu batzuetan duten presentzia.

Eztabaida lantaldearekin.

Prozesu horren ondorioz, 18. Helbururako kulturaren arloko hainbat helmuga definitu zen.

Hizkuntzarekin eta hizkuntza-aniztasunarekin lotutako helmugak

Bestalde, **Trantsizio Sozialaren eta 2030 Agendaren Idazkaritza Nagusiak Elhuyar Aholkularitza** enpresaren laguntza izan zuen 18. Helbururako hizkuntzarekin eta hizkuntza-aniztasunarekin zerikusia duten Helmugak garatzeko. Horretarako, 15 lagunez osatutako lan-taldea osatu zen, guztiak ere hizkuntzaren eta hizkuntza gizartean bultzatzearen lotutako arloetan adituak.

Garapen Jasangarriko 18. Helburuan jaso beharreko Helmuga guztien koherentzia bermatzeko helburuz, kulturaren arloan egindako lanaren emaitza eman zitzaion lantalde horri.

18. GJHan kulturaren eta hizkuntzaren arloetako helmugak bateratzea

Azkenik, **Kultura eta Hizkuntza Politika Sailak** lan bien emaitzak konbinatu ditu, emaitza homoginoa, koherentea eta 2030 Agendaren izaerarekin eta egiturarekin bat datorrena izan dadin.

3. GARAPEN JASANGARRIKO 18. HELBURURAKO HELMUGAK



18. GJH. Hizkuntza eta kultura guztien presentzia eta errekonozimendua bermatzea, garapen pertsonal eta sozialerako ezinbesteko faktore gisa.

18.1 Pertsona guztiak **kultura-eskubideez eta kultura eskuratzeko aukerez** berdintasun-baldintzetan balia daitezzen bermatzea, era horretan, kulturak **osasanari eta garapen pertsonal eta komunitarioari** egiten dion ekarpena bultzatuz.

18.2 Pertsona guztien **hizkuntza-eskubideak** bermatzea, eta **hizkuntza gutxituetako** komunitateak ahalduntzea, hizkuntzak garapen pertsonalari eta komunitarioari egiten dioten ekarpena errekonozituz.

18.3 Kulturaren eta hizkuntzaren bitartez pertsonen **inklusioa, gizarteratzea eta parte-hartzea** bultzatzea, kultura eta hizkuntza **kohesio eta garapen sozialeko** tresna gisa ulertuta.

18.4 Kultura-adierazpenetan **adierazpen-askatasuna** bermatzea, pertsonen eta gizartearen askatasuna ziurtatzen lagunduz.

18.5 Tokiko **hizkuntza hezkuntza-sisteman** integratzea, belaunaldi berriek **hizkuntza-gaitasun** egokia izan dezaten bermatuz, eta hizkuntza gutxitua **benetan ikasten** dela ziurtatuz.

18.6 Herritarren **sormen-gaitasunak eta sen kritikoa** garatzea, haien kultura-identitatea garatzea eta aniztasunaren balioa indartzea, kultura hezkuntza-sisteman integratuz, **hezkuntza- eta pedagogia-baliabide** gisa.

18.7 Kultura, haren osotasunean, **gizartea eraldatzeko faktore** gisa eta **garapen jasangarriaren laugarren zutabe** gisa kokatzea, duen dimentsio ekonomikoa, soziala eta ingurumen-dimentsioa osatuz.

18.8 **Genero-berdintasunaren** aldeko politiketan **hizkuntzaren aldagaia** txertatzea, eta **genero-ikuspegia hizkuntza-politiketan**.

18.9 Kulturaren sorkuntzan, ekoizpenean eta kudeaketan emakumeen parte-hartzea bultzatzea, eta **historian zehar egin duten ekarpena** ezagutzera ematea.

18.10 Emakumeek hizkuntza gutxituen transmisioan eta hedapenean bete duten eginkizunari eta hizkuntzek biziraun dezaten egin duten ekarpenari balioa ematea.

18.11 Kulturarekin lotutako lanbideak errekonozitu eta balioa ematea, besteak beste, **beharrezko gaitasunak** integratuko dituen hezkuntza-sistema baten bidez; eta lan-jardunbide egokiak sustatu, lan-baldintzak zaindu eta kultura-sektorearen berezitasuna legez aitortuko dituzten **politika publikoen** bitartez.

18.12 Lan-arloan **hizkuntza gutxituen erabilera** sustatzea.

18.13 Era guztietako **komunikabide eta komunikazio-kanal** guztietan **hizkuntza gutxituen** presentzia ziurtatzea, eta berezko espazioak egon daitezen sustatzea, tokiko komunikabideetan batez ere.

18.14 Arrakala digitala murriztea eta **arloan digitalean hizkuntza gutxituen erabilera** bermatu eta pertsona guztien **irisgarritasuna** ziurtatuko duten **hizkuntza-teknologiak** garatzea.

18.15 Kultura-ondarea babestu eta **balioa ematen zaiola** ziurtatzea, **kohesio soziala eta kide izatearen sentimendua** indartzeko; eta hirigintza, turismo jasangarria eta beste arlo batzuk garatzeko politikekin lotuz.

18.16 Kultura-ondare immaterialarekin zerikusia duen **jakintza transmititu** dadin sustatzea eta babestea, baita tokiko biodibertsitatearekiko eta naturarekiko lotura ere, **kulturaren eta hizkuntzaren** bitartez.

18.17 Klima-aldaketak kultura-ondarean izan ditzakeen ondorioak identifikatzea eta prebenitzea.

18.18 Kulturartekotasuna eta gizartean **hizkuntzen bizikidetzaren** bermatuko duten **politika eraginkorrak** sustatzea, eta tokian tokiko hizkuntzen erabilera bermatzea **erakunde publikoen eta herritarren arteko komunikazioan**.

18.19 Kulturak garapen-bidean edo gatazkan **dauden herrialdeekiko lankidetzari** egiten dion ekarpenari balioa ematea.

18.20 Kultura- eta hizkuntza-aniztasuna defendatzeko neurriak sustatzea, kultura eta hizkuntza gutxituak dituzten **herrialdeen** eta komunitateen arteko **lankidetzaren** bitartez.

4. Beste Helburu eta eragile batzuekiko harremanak

2030 Agendaren funtsezko gakoetako bat GJH-en Helmugen arteko harremanak dira. 18. Helbururako proposatzen diren Helmuga hauek 2030 Agendaren berezko egituren txertatzea denez helburua – zeharkakotasuna sustatzen eta bultzatzen duena–, Helmuga bakoitzak gainontzeko GJH-ekin duen harremana aurkezten da jarraian.

Gainera, proposatzen diren Helmugetan haien plan, politika eta ekimenetarako loturak aurkitu eta, horrela, 18. Helburuari ekarpena egin diezaioketen eragile-tipologiari buruzko iradokizunak egiten dira.

HELMUGAK	Beste GJH batzuekiko lotura	Lagun dezaketen eragileak
<p>18.1 Pertsona guztiak kultura-eskubideez eta kultura eskuratzeko aukerez berdintasun-baldintzetan balia daitezzen bermatzea, era horretan, kulturak osasunari eta garapen pertsonal eta komunitarioari egiten dion ekarpena bultzatuz.</p>		<p>Administrazioaren maila guztietako erakunde publikoak, haien kultura-atalen bitartez</p>
<p>18.2 Pertsona guztien hizkuntza-eskubideak bermatzea, eta hizkuntza gutxituetako komunitateak ahalduntzea, hizkuntzak garapen pertsonalari eta komunitarioari egiten dioten ekarpena errekonozituz.</p>		<p>Erakunde publikoak Erakunde pribatuak Hirugarren sektore sozialeko erakundeak</p>
<p>18.3 Kulturaren eta hizkuntzaren bitartez pertsonen inklusioa, gizarteratzea eta parte-hartzea bultzatzea, kultura eta hizkuntza kohesio eta garapen sozialeko tresna gisa ulertuta.</p>		<p>Administrazioaren maila guztietako erakunde publikoak, haien kultura- eta euskara-atalen bitartez. Kulturarekin eta euskararekin lotutako hirugarren sektore sozialeko erakundeak.</p>
<p>18.4 Kultura-adierazpenetan adierazpen-askatasuna bermatzea, pertsonen eta gizartearen askatasuna ziurtatzen lagunduz.</p>		<p>Erakunde publikoak Kultura-ekipamenduak, hurbilekoak zein espezializatuak</p>
<p>18.5 Tokiko hizkuntza hezkuntza-sisteman integratzea, belaunaldi berriek hizkuntza-gaitasun egokia izan dezaten bermatuz, eta hizkuntza gutxitua benetan ikasten dela ziurtatuz.</p>		<p>Hezkuntza-sistemako erakundeak</p>
<p>18.6 Herritarren sormen-gaitasunak eta sen kritikoa garatzea, haien kultura-identitatea garatzea eta aniztasunaren balioa indartzea, kultura hezkuntza-sisteman integratuz, hezkuntza- eta pedagogia-baliabide gisa.</p>		<p>Hezkuntza-sistemako erakundeak</p>
<p>18.7 Kultura, haren osotasunean, gizartea eraldatzeko faktore gisa eta garapen jasangarriaren laugarren zutabe gisa kokatzea, duen dimentsio ekonomikoa, soziala eta ingurumen-dimentsioa osatuz.</p>		<p>Erakunde publikoak, tokikoak batez ere.</p>

HELMUGAK	Beste GJH batzuekiko lotura	Lagun dezaketen eragileak
<p>18.8 Genero-berdintasunaren aldeko politiketan hizkuntzaren aldagaia txertatzea, eta genero-ikuspegia hizkuntza-politiketan.</p>		<p>Administrazioaren maila guztietako erakunde publikoak, haien berdintasun- eta euskara-atalen bitartez.</p> <p>Berdintasunarekin eta euskararekin lotura duten hirugarren sektore sozialeko erakundeak.</p>
<p>18.9 Kulturaren sorkuntzan, ekoizpenean eta kudeaketan emakumeen parte-hartzea bultzatzea, eta historian zehar egin duten ekarpena ezagutzera ematea.</p>		<p>Administrazioaren maila guztietako erakunde publikoak, haien berdintasun eta kultura-atalen bitartez.</p> <p>Kultura-ekipamenduak, hurbilekoak zein espezializatuak.</p> <p>Kultura-industriak</p> <p>Komunikabideak, batez ere publikoak</p>
<p>18.10 Emakumeek hizkuntza gutxituen transmisioan eta hedapenean bete duten eginkizunari eta hizkuntzek biziraun dezaten egin duten ekarpenari balioa ematea.</p>		<p>Administrazioaren maila guztietako erakunde publikoak, haien berdintasun- eta euskara-atalen bitartez.</p> <p>Berdintasunarekin eta euskararekin lotura duten erakundeak.</p>
<p>18.11 Kulturarekin lotutako lanbideak errekonozitu eta balioa ematea, besteak beste, beharrezko gaitasunak integratuko dituen hezkuntza-sistema baten bidez; eta lan-jardunbide egokiak sustatu, lan-baldintzak zaindu eta kultura-sektorearen berezitasuna legez aitortuko dituzten politika publikoen bitartez.</p>	 	<p>Hezkuntza-sistemako erakundeak.</p> <p>Kulturaren sektoreko enpresak.</p> <p>Kultura-ekipamenduak.</p> <p>Sindikatuak</p>
<p>18.12 Lan-arloan hizkuntza gutxituen erabilera sustatzea.</p>		<p>Enpresak</p> <p>Herri-administrazioak eta lan-merkatuarekin eta enplegua sustatzearekin lotuta dauden garapen-agentziak</p>
<p>18.13 Era guztietako komunikabide eta komunikazio-kanal guztietan hizkuntza gutxituen presentzia ziurtatzea, eta berezko espazioak egon daitezen sustatzea, tokiko komunikabideetan batez ere.</p>		<p>Komunikabideak</p>

HELMUGAK	Beste GJH batzuekiko lotura	Lagun dezaketen eragileak
<p>18.14 Arrakala digitala murriztea eta arloan digitalean hizkuntza gutxituen erabilera bermatu eta pertsona guztien irisgarritasuna ziurtatuko duten hizkuntza-teknologiak garatzea.</p>		<p>Hezkuntza-sistemako erakundeak Berrikuntzarekin lotutako erakunde publikoak Enpresak Zentro teknologikoak</p>
<p>18.15 Kultura-ondarea babestu eta balioa ematen zaiola ziurtatzea, kohesio soziala eta kide izatearen sentimendua indartzeko; eta hirigintza, turismo jasagarria eta beste arlo batzuk garatzeko politikekin lotuz.</p>		<p>Ondarea babestearekin lotutako erakunde publikoak Tokiko erakundeak Ondare jakin batzuek defendatzearekin lotutako hirugarren sektoreko erakundeak Turismoaren sektoreko erakundeak</p>
<p>18.16 Kultura-ondare immaterialarekin zerikusia duen jakintza transmititu dadin sustatzea eta babestea, baita tokiko biodibertsitatearekiko eta naturarekiko lotura ere, kulturaren eta hizkuntzaren bitartez.</p>		<p>Ondarea babestearekin lotutako erakunde publikoak Tokiko erakundeak Hirugarren sektore elkarteak eta erakundeak Lehenengo sektore elkarteak eta erakundeak</p>
<p>18.17 Klima-aldaketak kultura-ondarean izan ditzakeen ondorioak identifikatzea eta prebenitzea.</p>		<p>Ondarea babestearekin lotutako erakunde publikoak Tokiko erakundeak Kultura-ondarearekin eta/edo klima-aldaketarekin zerikusia duten erakundeak, enpresak eta zentro teknologikoak</p>
<p>18.18 Kulturartekotasuna eta gizartean hizkuntzen bizikidetza bermatuko duten politika eraginkorrak sustatzea, eta tokian tokiko hizkuntzen erabilera bermatzea erakunde publikoen eta herritarren arteko komunikazioan.</p>		<p>Administrazioaren maila guztietako erakunde publikoak Kultura- eta gizarte-ekipamenduak</p>

HELMUGAK	Beste GJH batzuekiko lotura	Lagun dezaketen eragileak
<p>18.19 Kulturak garapen-bidean edo gatazkan dauden herrialdeekiko lankidetzari egiten dion ekarpenari balioa ematea.</p>	 	<p>Erakunde publikoak, haien lankidetzatzen bitartez Lankidetzarekin eta/edo kulturarekin lotutako hirugarren sektore sozialeko erakundeak</p>
<p>18.20 Kultura- eta hizkuntza-aniztasuna defendatzeko neurriak sustatzea, kultura eta hizkuntza gutxituak dituzten herrialdeen eta komunitateen arteko lankidetzaren bitartez.</p>		<p>Erakunde publikoak, haien lankidetzatzen bitartez Lankidetzarekin eta/edo kulturarekin lotutako hirugarren sektore sozialeko erakundeak</p>



18 HIZKUNTZA
ETA KULTUR
ANIZTASUNA



EUSKO JAURLARITZA



GOBIERNO VASCO

KULTURA ETA HIZKUNTZA
POLITIKA SAILA

DEPARTAMENTO DE CULTURA
Y POLÍTICA LINGÜÍSTICA

2030 Agenda
Euskadiren konpromisoa

